

mein alter bekandter freundt is der auch einem Jeden gerne dienet, Habe Ich vor die summen seint wegen gudt gesagt vnd gelobet, Damit er nicht in weiter beschwerunge gebracht wurde. Dieweil aber es gelt bei einem Radte zu Riga in verwharunge, vnd demnach dieser gudter man, städtlich Brieff vnd siegell, das er die 1800 thaler vngevher darzugeliehen, Hadt er mich angelanget Ine an euch zuuerschreiben. Vnnd ist derwegenn meinn freuntlich pitte Ir wollet mir vnd meinen Brudern zu wilfarunge auch damit Ich des geloffts¹⁾ vberhaben werde, vnbeschweret seinn vnnd ernentem Hans Engelsteden, eine vorschrifft von meim g. fursten vnd Hernn, dem Hertzogen zu Preusenn an den Ertzbischoff zu Riga seiner f. g. hernn Brudern zuwege bringen. Das seine f. g. dem Radte zu Riga ernstlich beuelen ernenten Engelstedenn, soliche 1800 thaler von der summen so sie inn verwarunge nach laudt seiner städtlichen siegel vnd Brieuen zuzustellenn, vnnd wider zuuberantwortenn. Darkegen wurde Inen Engelstede seine vorschreibunge zustellen, vnnd vorreichen. Wollet euch in demo nicht beschweren. Das bin Ich neben meinen Brudern vmb euch zuuerdienen gantzwillig. So wirdt ers auch seins vermugens zuuerdienen geflissenn seinn. Dat. Dantzick den 20. Januarii Anno etc im neun vnd funfftzigestenn.

Steffenn Loytz.

A.-V. 1. Simon Leytz vorschreibt Hern Johan Engelstede einen vertriebenen Bürger von Derbt, Ime In seinen anliegenden sachen forderung zuerzeigen. Dat. den 20^{ten} Januarii Ao. 59. —
A.-V. 2. belange iohannnen ingelstete fon Derptt.

XVII. (74.)

Zeitung aus England über die mit dem Thronwechsel zusammenhängenden Veränderungen. 1559. 30. Januar. London.

Ohne Adresse.

Zeitüng aus Engelandt den 30. Jantuarii Anno 1559 in Lünden außgegangen.

Belangende das regiment der Engellschen reichs Rethen ist constituert wie folgett.

Nicolaus Bacon,¹⁾ ist vmb seiner geschicklichkeit willen vnnd fürnemlich darumb das er ein liebhaber Gottes worts ist, vnlangst zum Ritter vnnd Custos Magni Sigilli uel uice Cancellarius gemacht.

1) Gelöbnis.

1) Vgl. Hierüber und die folgenden Personalien Gilb. Burnet „Histor. reform. Eccl. Angl.“ II. S. 246 ff.